



Otsailaren 11 erakusleihoak

Ginkanan parte hartzeko pausoak

Hauek dira ginkanan parte hartu nahi duten herritarrek jarraitu beharreko pausoak:

1. Deskargatu ACTIONBOUND aplikazioa GoogleStoretik edo AppStore-tik.
2. Erakusleihen kanpainako kartel nagusiko QR kodea eskaneatu, eta hasi partida.
3. Aurrean duzun emakumearen kartealeko QR kodea eskaneatu, eta erantzun galderari.
4. Bilatu beste emakume bat, kartealeko QR kodea eskaneatu, eta erantzun galdera.
5. Prozesu berari jarraitu 12 emakumeen QR kodeak eskaneatzeko eta galderei erantzuteko.

Ezagutu emakume zientzialarien lana, eta ONDO PASA!



Partekatu sare sozialetan!

Eskegi zure sare sozialetan erakusleihoaren argazkia dagokion esaldiarekin eta honako traola hauekin:


#O11erakusleihoak
#escaparat11F
#emakumeak
#zientzia
#STEAMhezkuntza
#Elhuyar

Eta bidali erakusleihoaren argazkia helbide honetara: l.ferro@elhuyar.eus

Ana Zubiaga Elordieta

Forua (Bizkaia)

1959



“Zientzialariok
sormenaren pasioa bizi dugu.
Zentzu horretan, artistak ere bagara.”


Biologoa

Genetika-irakaslea da EHUn, eta minbiziaren oinarri molekularrak aztertzen dituen ikertzaile-taldea zuzentzen du bertan. Jarduera zabala du biomedikuntzako proiektuen kudeaketan, eta zientzia dibulгатzen ere aritzen da.

Uxue Fernandez Lasa

Urretxu (Gipuzkoa)

1984



“Kirola,
babes ala sufrimendu?
Emozioak ukendu, gorputzak sostengu, denok
gara mugimendu. Bazterrekoak erdia eskatzen du.”

Jarduera Fisikoaren eta Kirolaren Zientzietako ikertzailea

EHUn irakasle, genero-ikerketak eta ekitate zein justizia sozialaren gaineko ikerlanak garatzen ditu jarduera fisikoaren eta kirolaren zientzien eremuan. Berezi, talde minorizatuak ekarri nahi ditu erdigunera, arlo horien gizarte-eraldaketarako gaitasuna baliatuta.

Angela Saini

Londres (Erresuma Batua)

1980



“Ikertzaileak ez dira neutralak;
edozein pertsonak bezala, euren bizipenak
dituzte, eta horrek eragina du haien ikerketetan.”


Zientzia-kazetaria

Izan, ingeniaria da, baina zientzia-kazetaritzan dihardu. Azken urteotan idatzi dituen liburuetan, historian zehar hainbat ikertzailek baieztatu dituzten eta bazterketari bide eman dioten zenbait uste oker gezurtatu ditu; tartean emakumeak gizonak baino gutxiago direla eta gizakiak arrazatan banatu daitezkeela.

Brigitte Baptiste

Bogota (Kolonbia)

1963



“Denok jakin
beharko genuke
gehiago ekologiari buruz.
Zientzia hau erlazionala da,
eta planteatzen du ezen munduko
erlazonamendua erlazio iragankor eta ezegonkor
horien konplexutasunaren bidez lortzen dela.”


Ekologia

Biologia ikasi zuen, eta ingurumen- eta bioaniztasun-gaietan aditua da. Kolonbiako negozio-unibertsitate bateko errektorea da. Herrialde horretan nortasun-agirian beren generoa aldatzeko eskubidea erabili zuten lehen emakume transetariko bat ere bada.

Gro Harlem Brundtland

Bærum (Norvegia)

1939



“Garapen jasangarri deritzo gaur egungo beharrei erantzuteko hurrengo belaunaldien aukerak arriskuan jartzen ez dituen garapenari.”

Medikua eta politikaria

Norvegiako osasungintza publikoko medikua izan zen, harik eta 35 urterekin, ingurumen-ministro izendatu zuten arte. Herrialde hartako lehen ministro izan zen hiru alditan. 1987an, Nazio Batuen eskariz idatzitako *Brundtland* txostena aitzindari izan zen gizarte-aurrerapena ingurumen-kostu altuegiarekin gauzatzen ari zela salatzen.

Ana Teresa Diego

Bahía Blanca (Argentina)

1954-1976



(11441) Anadiego

“—Arratsaldeko bostak
dira— esan zidan Anak, ia ahopean.

—Nola dakizu?— galdetu nion aldameneko zeldatik.

—Eguzkiak paretan duen proiektzioagatik. Angelu bat eratzen da, eta, trigonometria erabiliz,
sinua eta kosinua neurtzen ditut; horrela kalkula dezaket. Astronomia ikasten ari naiz.”


Astronomia-ikaslea eta ekintzaile komunista

La Platako Astronomia Behatokiko graduiko ikasle bikaina, harik eta 1976an (21 urte zituela) Argentinako diktadura militarren ordezkariak atxilotu eta desagerrarazi zuten arte. Asteroide batek haren izena darama.

Miriam Friedman Menkin

Riga (Letonia)

1901-1992



“Aitortu behar dut,
sei urtez huts egin

ondoren, arrakasta lortu nuela, ez bikaintasun-une
bat izan nuelako, baizik eta lanean lo hartu nuelako.”


Genetikaria eta enbriologoa

Hainbat ikasketa burutu ondoren, Medikuntza ere ikasi nahi izan zuen, baina ez zuten inon onartu, garai hartan emakumeak nekez hartzen baitzituzten medikuntza-eskoletan. Hutsegite baten ondorioz, 1944an, lehen aldiz, obulu bat giza gorputzetik kanpo ernaltzea lortu zuen.

Chieko Asakawa

Osaka (Japonia)

1958



“Teknologia erabiliz itsuek mundua ikus dezaten nahi dut.”


Informatikaria

Gaztetan istripuz nerbio optikoa mindu eta ikusmena galtzen hasi zen, erabat itsutu arte. Ordutik, pertsona itsuen bizi-kalitatea hobetzen lagundu duten hamaika ekarpen teknologiko egin ditu; tartean web-orriak automatikoki irakurtzeko sistema. Gaur egun IBMko ikertzailea da.

Mary Anderson

Greene (AEB)

1866-1953



“Sormena erabilia,
zenbait arazo eta premiaren
erantzuna aurkitu dezakegu; batzuetan hain dira
ohikoak eta bistakoak, konponezinak iruditzen zaizkigu.”

Asmatzailea eta ekintzailea

Tranbia-gidariak leihatiletatik elurra kentzeko zituzten zailtasun handiez jabetuta, gaur egun ezagutzen ditugun haizetako-garbigailuen aitzindaria izan zen beso metalikoa diseinatu zuen; garai hartako inork ez zion erabilgarritasunik ikusi, ordea.

Wangari Maathai

Ihithe (Kenya)

1940-2011




“Munduak
etika global
bat behar du,
bizitzeko esperientziari
zentzua emango dioten balioak dituen.”

Ingurumenaren aldeko ekintzailea eta politikaria

Ekologismoa oihan-galtze arazoak konpontzeko eta garapen jasangarria lortzeko modu bat izan zitekeelakoan, Gerriko Berdearen Mugimendua sortu zuen 1977an. Mugimendu haren ekimenez, 47 milioi zuhaitz landatu zituzten Kenyako emakumeek. 2004. urtean Bakearen Nobel saria irabazi zuen. Sari hori irabazi zuen lehen emakume afrikarra izan zen.

Elena Ponciano Paino

Durango (Bizkaia)
1980



“Zure
kualitateek
sentsazio
ona ematen badizute, ekin!
Ez duzu inoren onarpenik behar.
Segurtasuna besterik ez duzu behar, eta hori
zure sentsazioek eta gaitasunek ematen dizute.”


**Arte Plastikoetako eta Ehungintza Arteko Diseinuko goi-mailako teknikaria.
Soldadura eta Galdaragintzako teknikaria**

Ehungintzako diseinatzaile jardun du, eta bere bildumak nazioartean erakutsi ahal izan ditu. Ebaketa eta jantzigintzako eskolak eman zituen hiru urtez talde mistoetan. Gaur egun, soldadura-lanak egiten dihardu enpresa batean.

Maia Duguine Haristoy

Hazparne (Lapurdi)

1979



“Xeheki azterturik,
hizkuntzaz hizkuntza
egitura eta murriztapen bertsuak
aurkitzen dira, gizakiak hizkuntzarako
duen oinarri kognitibo komuna agerian utziz.”

Euskal hizkuntzalaria

Euskalari dihardu Baionako IKER euskara eta euskal testuen ikerketa-zentroan. Sintaxia eta gramatika dira haren ikergai nagusiak. Hizkuntzaren egitura aztertzen du, eta bereziki interesatzen zaizkio hizkuntz aldakortasuna eta haren mugak.